



Oktober 2018.

Poziv za prijave za stipendije francuske vlade Postdiplomski studij Master 2 (univerzitetska godina 2019./2020.)

Francuska vlada svake godine dodjeljuje stipendije za studij nivoa Master 2¹ studentima iz Bosne i Hercegovine koji imaju odličan akademski nivo.

Ovaj stipendijski program finansira troškove upisa na Master 2², kao i troškove života putem mjesečne naknade (najduže tokom perioda od 10 mjeseci koji odgovara univerzitetskoj godini 2019./2020.), a također omogućava i brojne druge prednosti (pogledati dokumenat "upute" priložen uz ovaj poziv za prijave)³.

Ko se može prijaviti?

Kandidati koji ispunjavaju slijedeće uslove :

- Državljeni su Bosne i Hercegovine
- Neće navršiti 26 godina do 31. decembra 2018.
- Završili su četiri godine univerzitetskog studija (nivo Master 1 ili 4 godine nakon mature).

Važno je imati dovoljan nivo jezika da bi se mogla pratiti predavanja iz programa Master 2 (nivo B2 zajedničkog evropskog referentnog okvira za jezike, na francuskom ili na engleskom jeziku).

Ukoliko se student prijavi za master 2 gdje su predavanja na nekom drugom jeziku osim francuskog, i dobije stipendiju, taj student mora obavezno završiti intezivan kurs francuskog jezika, na licu mjesta ili prije odlaska, neophodan za minimalni nivo A1.

Dokumenti za prijavu

Zainteresovani kandidati trebaju dostaviti slijedeće dokumente :

¹ Samo u iznimnim slučajevima, kandidati se mogu prijaviti na program Master 1, u slučaju kada se za odabrani studij moraju obavezno završiti dvije studijske godine, Master 1 i 2. U tom slučaju, ukoliko kandidat dobije stipendiju francuske vlade, obavezaće se da će nastaviti studij u toj ustanovi i naredne godine kako bi dobio diplomu Master 2 (tako što će osigurati neku drugu stipendiju ili svoja vlastita sredstva).

² Preuzimanje troškova upisa odvija se automatski do određenog iznosa.

³ Eventualno, pored klasične stipendije sa mjesečnim iznosom, Francuska ambasada može ponuditi stipendiju za osiguranje (kroz preuzimanje troškova upisa na studij i troškova socijalnog osiguranja tokom maksimalno deset mjeseci) ili studijske stipendije sa mjesečnim iznosom « podijeljenih troškova ».

- **Obrazac sa podacima** (popunjen na francuskom ili engleskom jeziku, posebno naglasivši nazive diploma i visokoškolskih ustanova gdje se žele prijaviti ; *informacije na Campus France* www.campusfrance.org)
- **Kopija bh. pasoša ili lične karte**
- **Pismo motivacije** (na francuskom ili engleskom jeziku)
Pismo motivacije ima za cilj da sa jedne strane precizira interes studenta za studiranje u Francuskoj i, s druge strane, svrsishodnost odabira željenog studijskog programa s obzirom na profesionalni plan studenta.
- **Curriculum vitae** (na francuskom ili engleskom jeziku)
- **Kopiju ocjena** predmeta tokom dvije zadnje univerzitetske godine (na bosanskom) i **prevod tih ocjena** na francuski ili engleski jezik (nije neophodno imati ovjereni prevod).
- **Kopija zadnje dobijene diplome i prevod diplome na francuski ili engleski jezik** (nije neophodno imati ovjeren prevod).
- **Ukoliko je potrebno, kopija potvrda o poznavanju jezika**

Svi dokumenti se trebaju poslati obavezno u PDF formi najkasnije do petka 18. januara 2019. do 12.00 sati na slijedeću e-mail adresu : stipendije2019@institutfrancais.ba

Registracija prijave biće potvrđena mejlom u roku od 72 sata nakon prijema iste. Nepotpune prijave neće biti uzete u razmatranje.

Kriteriji odabira

Žiri koji odlučuje o dodjeli stipendija vodiće računa o više kriterija, a posebno o slijedećim : kvalitetan curriculum vitae, izvrsni univerzitetski rezultati, motivacija studenta, opravdanost odabrane teze (napomenuti u dosjeu željene vrste diplome Master 2) i usklađivanje odabranog studija sa profesionalnim planom.

Tokom selekcije, Ambasada može obaviti razgovore sa kandidatima.

Rezultati

Francuska ambasada će putem mejla obavijestiti kandidate o rezultatima najkasnije do kraja marta 2019. Biće napravljene glavna i dodatna lista.

Najkasnije 10 dana nakon objavljivanja rezultata, kandidati trebaju potvrditi svoj interes za stipendiju. Ona će postati efektivna nakon što francuska visokoškolska ustanova pismeno potvrdi prijem kandidata na studijski program Master 2 do 15. jula 2019. (i pod uslovom da Ambasada prethodno potvrdi visinu troškova upisa na odabrani studij).

Do kraja aprila 2019. kandidati će biti pozvani da učestvuju u pripremnom seminaru za odlazak.

Konačna dodjela stipendije uslovljena je prijemom na neki program Mastera do 15. jula 2019. Nikakvo odlaganje stipendije za narednu univerzitetsku godinu neće biti moguće.

Dodatne informacije

- Na web stranici Francuske ambasade: ba.ambafrance.org
- U uredima Campus France Bosnie-Herzégovine (isključivo na zakazani termin) :
 - o U Sarajevu : zeljka.divkovic@institutfrancais.ba (Mula Mustafe Bašeskije 8)
 - o U Banjaluci : banjaluka@institutfrancais.ba (JU NUB RS, Jevrejska 30)
 - o U Mostaru : mostar@institutfrancais.ba (Kalajdžića 1)